



SULEQATIGIISITSISUT
SAMARBEJDSPARTIET

UA 2018/208

Tillie Martinussen

12. oktober 2018

(Ilinniartitaanermut, Kultureqarnermut, Ilageeqarnermut Nunanullu Allanut Naalackersuisoq)

Inatsisartut aalajangiiffigisassaattut siunnersuut Namminersorlutik Oqartussat ilalissagaat Nunat Avannarliit isumaqatigiissutaat qaffasinnerusumik ilinniagaqarnissamut isersinnaaneq pillugu.

(Tillie Martinussen, Inatsisartuni ilaasortaq, Suleqatigiissitsisut)

Nuannaarutigeqaarput inuusuttatta nunani avannarlerni tamani ilinniariarsinnaanermik toqqaasinnaanerat, soorlu aamma pitsaasumik suleqaatigiinneq assersuutigalugu aamma Nordisk Rådemi sammisaqarfinnilu assigiinngitsuni pisinnaammat.

Suleqatigiinneq pitsaasumik kinguneqartussatut ineriartortissinnaasarput – soorlu aamma peqqinnissaqarfinni suleqatigiinnut inunntut nalnaarsuiffiusuni Nunani Avannarlerni tamani allanut ilanngunnerni.

Inuusuttatta ilinniarnissaat pingaaruteqarluinnartuuvoq, nunanilu allani ilinniarsinnaanermik periarfissaminnit uagutsinniit ullumermiit pitsaanerujussuarmik ilisimatinneqartariaqarlutik. Oqimaaqatigiissumik oqaatigalugu; pisariaqartipparput ilinniariarlutik aallarnissaat, pisariaqartipparpulli aamma ilinniareerlutik angerlarnissaat.

Aamma pisariaqartipparput oqaatsinik ilinniarnissaasa qulakkeerneqarnissaat, taamaalillutimmi ilinniakkamik kissaatigilluinnakkaminnik toqqaasinnaassammata.

Aalajangersagaariinngitsumik ilinniakkamik toqqaasinnaaneq nunat avannarliit killeqarfiisa iluanni kiffaanngissuseqarluni angalanissamik ammaassisuuvoq, kiffaanngissuseqarneq nunat avannarlerneersunit tikittunut uagut aamma periarfissiinissamut pisussaaffiliisoq. Quid pro quo, oqaqqajaanarpoq. Soorlu aamma taasisinnaalersitsinikkut maanga tikittunut, tikinneraniit.

Siuneraasunut iluaqutaasinnaasut Suleqatigiissiitsunit isumaqarfigaarput nunat avannarlerni ilisimatusarnermi suleqatigiinneq, suleqatigiinnerit pioreermata. Kissaatiginarpoq issittumi universetitsinni amerlaneroqisut suleqataasuuppata, Kalaallit Nunaannilu ilisimatusarnermik pissangannillutik soqutiginnippata, soorlu aamma Pinngortitaleriffik, Illisimatusarfik inuiaqatigiillu iluaquserneqassagaluqisut, ingammik ilisimatusaataasut assinganik pisinnaagutta.

Kisiannili ilisimatusarnermi periarfissarititaasut kingunerisaat aningaasanngortinneqarsinnaanngillat, taamaattumillu neriuutigigippat maani ilisimatusarfiit suleqatigalugit Issittumi ilisimatusarnissamut periarfissaasut Naalackersuisunit qaammarsaatigineqarumaartut.

Sukumiinerusumik oqaaseqaateqarnata siunnersuut ataatsimiititaliamut tulluuttumut ingerlateqqipparput.



**SULEQATIGIISITSISUT
SAMARBEJDSPARTIET**